

TXOJ HAUV KEV WA NOTIFY UA HAUJ LWM

Washington Exposure Notifications (WA Notify) yog ib yam khoom siv tshiab los pab nres kev kis kab mob COVID-19. Zoo ib yam li kev rau cov ntaub npog ntsej muag, kev nyob kom lub cev sib nruag thiab kev tswj kom nyob ua ke tsawg, WA Notify yog ib qhov cuab yeej ntxiv los pab pov thaiv peb cov zej zog.

WA Notify ua hauj lwm los ntawm siv cov xov tooj, yam tsis tas qhia ntaub ntawv ntiag tug, mus ceeb toom cov neeg siv yog tias ntxim li lawv nphav tau kab mob COVID-19 lawm. **Nws ua tiav los ntawm kev ntiag tug, thiab tsis paub los sis tsis soj qab tias koj yog leej twg los sis koj mus qhov twg.**

Cov kev tshawb fawb pom tias muaj neeg coob tus uas siv qhov kev ceeb toom txog kev nphav tau kab mob, muaj txiaj ntsig zoo. Cov qauv ntaub ntawv nyob hauv xeev Washington qhia tias tab txawm yuav muaj neeg siv WA Notify tsawg xwb los tuaj yeem txo tau cov kev kis kab mob thiab cov tuag.

NRUAB WA NOTIFY RAU HAUV KOJ LUB XOV TOOJ

Hauv koj lub iPhone:

1. Mus rau Cov Chaw Teeb Tsa (Settings)
2. Swb nqis rau hauv Exposure Notifications (Cov Kev Ceeb Toom Txog Kev Nphav Tau Kab Mob)
3. Nyem rau "Turn On Exposure Notifications (Qhib Siv Cov Kev Ceeb Toom Txog Kev Nphav Tau Kab Mob)"
4. Xaiv United States (Teb Chaws Mes Kas)
5. Xaiv Washington


Hauv koj lub xov tooj siv Android:

1. Nyob hauv koj lub xov tooj siv Android, mus rau qhov [Google Play Store](#).
2. Nrhiav WA Exposure Notifications lub app nrhiav tau yooj yim xwb
3. Daus lauj lub app Washington Exposure Notifications


THAUM KOJ MUAB LUB APP WA NOTIFY NRUAB RAU HAUV KOJ LUB XOV TOOJ LAWV

Nws ua hauj lwm li cas los pab pov thaiv kev sib kis kab mob COVID-19.


1




2




3



4



5



Thaum ob tus tib neeg siv WA Notify nyob rau lawv cov xov tooj uas nyob sib ze, lawv cov xov tooj yuav khwv yees sib pauv cov khauj uas yog siv Bluetooth. **Tus khauj tsis qhia npe li, tsis soj tias nyob qhov chaw twg los sis tsis sib qhia txog ntaub ntawv ntiag tug.**

Thaum muaj qee tus neeg nyob hauv Washington ntsuam sim paub tias muaj mob lawm thiab lub chaw saib xyuas zej tsoom kev noj qab haus huv tau hu rau lawv, lawv yuav nug tias lawv puas siv WA Notify thiab muab tus khauj txheeb xyuas rau.

Thaum tus neeg uas ntsuam sim paub tias muaj mob lawm ces tag ntawd ntaus tus khauj txheeb xyuas rau WA Notify. Qhov no yog yus yeem yus.

Leej twg siv lub WA Notify thiab tau nyob ze nrog tus uas tau ntsuam sim paub tias muaj mob lawm tau nyob ua ke ntev 14 hnuv dhau los yuav tau txhais kev ceeb toom yam tsis qhia npe tias tej zaum lawv yuav nphav tau kab mob COVID-19 lawm.

Cov kev ceeb toom muaj txoj kav txuas mus rau cov ntaub ntawv hais txog ntawm yam yuav ua nyob rau tom ntej los pov thaiv koj tus kheej thiab lwm tus. Nws tsis muaj tej ntaub ntawv qhia tias leej twg tau ntsuam sim pom muaj kab mob lawm los sis nphav tau kab mob nyob rau qhov chaw twg.